

湖北府縣志輯

中國地方志集成

高治縣志

中國地方志集成

湖北府縣志輯 ③④

同治崇陽縣志

江蘇古籍出版社 ● 上海書店 ● 巴蜀書社

重修崇陽縣志序

嘗讀史至張乖崖宰崇拔茶一事其深思遠慮先事預防凡為民父母誠求保赤顧不當以乖崖為法乎凡為地方子民消累弭患顧不當於乖崖是德乎但發令之初害未形而先除其利

崇陽縣志

卷首

一

有未易與庸眾期者予於咸豐乙卯歲選授漢川縣令丙辰捧檄來楚同治癸亥調補是邦比下車詢民間利害僉曰崇沐國家寬大之政二百餘年諸無甚害惟自咸豐壬子至同治壬戌十年間數遭兵燹害莫大焉然

崇陽縣志

卷首

二

氣運使然不獨崇陽然也近來崇之為利則在紅茶夫崇屬武昌地瘠民貧偏隅僻處向為商賈所不至奇技淫巧之貨所不鬻幸山多泉引以灌田穀賴有秋又多木足供薪蒸民俗儉樸衣食之外無他求敦詩書而講禮讓亦楚中一樂土也今紅茶行而各省之商至矣外國之商至矣食物用物百貨如泉蔚然一大觀矣每當暮春穀雨後茶庄盛開邑之男女以茶為業或採或販或挑或揀以及車夫舟子繙之所入歲以萬計茶又不

宜於曠野平原而宜於高山峻嶺崎嶇磽坳將來開墾種植數千年不毛之地皆為利藪復又貢獻不及賦稅不增植茶之利數倍稼穡貧轉富富愈富設今日乖厓宰此仍以拔茶之政行之民之樂從與否未可知也且

不特不以為善政而以為虐政道路側目羣相怨咨亦未可知也自來民志難齊違道干譽虞書所戒為官者不貪財不剥民立一法行一令盡心竭力祇求其是愛憎在所不計惟利中有害大利中有大害有不能不為

崇慮焉語曰沃土之民不材瘠土之民好義崇既易瘠土為沃土富矣而不加之以教將從前儉樸變為驕淫喪人心壞風俗皆由於此禮以防之義以正之方能去其害而實受其利否則沃土不如瘠土之為愈而乖厓

拔茶之政雖千萬年行之可也夫防微杜漸宰官責也而都人士生於斯長於斯聚國族於斯鄉田同井較宰官耳目尤近家諭之戶曉之黜奢華崇樸儉諄諄勸戒共勛不逮使之富而不驕富而不淫人心風俗無異於

古雖遍地植茶有何不可又何
必盡令拔去始為善政哉邑志
成諸縉紳請序於予辭之不獲
乃以此序之補志書所未詳即
以備採風者之觀覽焉至井疆
沿革政治異同及邑中人文章
氣節科第勲名載在志者燦然

崇陽縣志 卷首 序

五

大備無俟予之縷陳而藻飾也
已 肯

同治歲在丙寅孟冬即補同知直
隸州知州前知漢川縣事調補
崇陽縣嶺南高佐廷序并書



崇陽縣志修輯姓氏

總修

即補同知直隸州知州崇陽縣知縣 高佐廷

督修

崇陽縣學教諭陞任襄陽府學教授 燕光烺

署崇陽縣學教諭 晏承烈

崇陽縣學訓導 萬裕灃

監修

恩貢生候選教諭邑人 饒應暄

纂輯

崇陽縣志 卷首 修志姓氏

副貢生候選教諭邑人 傅燮鼎

分編

邑增貢生候選訓導議敘中書銜 楊一鶚

拔貢生候選教諭邑人 王啟源

舉人議敘同知銜邑人 熊會心

分校

舉人揀選知縣邑人 陳炳南

邑 廩 生 黃光瑛

邑 庠 生 劉樹藝

采訪

邑附貢生議敘員外郎銜 舒良弼

邑增貢生議敘同知銜 吳光瀚

恩貢生候選教諭邑人 王溯源

捐貢生 邑人 趙壽驥

廩貢生候選訓導邑人 李之仁

邑 廩 生 陳炳黻

邑 庠 生 汪灼瑜

參考

歲貢生候選訓導邑人 沈昌教

邑優增生議敘翰林院待詔銜 王濟世

崇陽縣志

卷首 修志詳見

二

邑 庠 生 楊襄業

邑 人 劉樹玉

參訂

舉人選授黃陂縣學教諭邑人 王元秉

優貢生即用知縣邑人 劉樹典

邑 舉 人 柳文宿

邑 庠 生 候選縣丞 殷壽泰

督刊

誥封五品銜邑人 程步雲

候補府經歷邑人 沈裕源

各里采訪

誥職 孫汝襄 武舉 熊洪猷

廩生 熊毓陵 廩生 王濟霖 恩貢 邱承裕

附貢 劉俊偉 附貢 雷新民 議敘 張本安

廩生 饒俊沅 廩生 黃世英 監生 鄒伯元

庠生 汪紹南 監生 陳時珍 庠生 丁大鏞

廩生 葉煦 職員 沈潤堂 庠生 汪紫琳

監生 汪際開 監生 余家勳 增生 吳光煜

廩生 魏斐然 廩生 劉貞幹 庠生 夏紹鼎

監生 傅竹淇 職員 甘登魁 監生 沈應南

崇陽縣志

卷首 修志詳見

三

歲貢 龍恆泰 武生 趙連陞 監生 李代祖

廩貢 劉文炳 廩生 王炳源 武生 沈朝俊

側貢 龐俊 增生 程家軾 側貢 吳德宣

監生 宋冠楚 武生 李炳奇 監生 廖如出

監生 戴欽之 監生 陳德華 監生 王國泰

增生 傅文瀚 增生 黃光謙 職員 鍾山玉

例貢 程元清 監生 揭鴻鳳 監生 余作紳

議敘 楊肇業 議敘 劉樹煊 附貢 任益彰

廩生 程大鵬 廩生 米珠 監生 雷傲文

庠生 許榮陞 武生 談定山 監生 汪啟興

貢生 林鳴鳳

增貢 程銀川

李鍾騏

監生 李召棠

議敘 楊榮玠

庠生 陳鍾福

庠生 鵬交望

庠生 沈清濱

王槐奎

武生 柳清月

武生 謝盛朝

議敘 余子金

庠生 陳兼善

庠生 王上拔

庠生 姜祖銳

武生 宋定山

庠生 王洪惠

武生 李錦章

監生 鄧見明

監生 傅良弼

廩生 劉樹深

庠生 賴濟時

武生 聞貞晉

增生 陳懋先

武生 陳登魁

庠生 楊之幹

監生 丁文之

例貢 曾應鸞

傅文瀾

監生 陳逢甲

樂陽縣志

卷首

修志

四

監生 楊春霖

庠生 王 楫

庠生 陳炳瀚

監生 吳廷璋

庠生 沈定陽

陳炳中

監生 周青雲

庠生 陳履亨

黃正齋

監生 王銘元

王鍾雲

汪銘堂

職員 藍家璧

朱昌茂

例貢 周文祥

監生 鄧直亭

監生 王懷龍

捐貢 李步雲

武生 吳兆蘭

武生 米登華

庠生 黃啓甲

繪圖籍書

議敘 程 雲

軍功 陳錫銘

議敘 饒驥傑

童生 陳洪甲

童生 王庭柱

樂陽縣志全書目錄

卷一 疆域志 首列全境山川各勝圖

沿革 星野 界至 道里 鄉里 保甲 形勝

山水 原隰 風土

卷二 建置志 上首列城池

城池 衛巷鋪市 公署 官地 壇廟 古蹟

坊表 陂塘 附 津梁

卷三 建置志 下首列學宮

學校 書院義學考棚 義所 育嬰堂養濟院

卷四 食貨志

樂陽縣志

卷首

全書目錄

戶口 田賦 經制 物產 倉儲 蠲賑

卷五 禮樂志

禮儀 祀典 樂舞

卷六 職官志

知縣 代署 學官 教諭訓導 佐倅 主簿 巡檢

武弁 把總 千總 外委 千總

卷七 選舉志

薦辟 進士 舉人 貢士 恩貢拔貢副貢歲貢優貢合載 例貢

舉人 副貢分載 武科 附 雜科 封蔭

卷八 人物志上

忠義殉難士 孝行 篤行 尚義 隱逸

壽考 藝術 僑寓 道釋

卷九人物志下

閨範 節婦貞女烈婦令類孝婦賢母命婦壽母分類

卷十輟音志

勅諭 封本官勅 諭祭文 封贈

卷十一藝文志

經部 史部 子部 集部 舊志 餘編

卷十二雜紀志

災祥 寺觀 邱墓 廣墟 補遺附末

崇陽縣志 卷首 全書目錄 二

凡例

崇志百十餘年未續徵近典則劫灰餘燼文獻盡凋繙古編則荒冢所藏見聞別出事雖因而為體近創疑既闕而求信難全其規摹與俗違虞見貽於眾兆或勉強隨時尚恐貽笑於方家志例不可不首列也凡八則

一 考實 邑志以志地為先沿革山川古蹟宜一一考正如漢下雋縣治在崇陽水經潁水源流即雋水吳城為孫權所築槐頭砦為張昌所據梁上雋郡唐唐年縣仍下雋故治皆舊志所未考茲稽諸

崇陽縣志 卷首 凡例

書史復就相沿地名及當時形勢證之實蹟無疑舊志山類有鐵柱山古迹有乖厓讀書堂其實一在通城一在通山與崇無涉故不復載崇陽之名自宋始唐邑令溫遷約隱士高驥書尹崇居崇俱不合改書唐年為是至星野與舊志異本湖北通志全楚皆然非特崇邑也

一 辨訛 古今書志求無舛訛者蓋鮮如後漢書馬援傳下雋壺頭牙屬兩郡相去甚遠地理志自明章懷注下雋在沅陵字典壺頭在崇陽兩說俱誤不可不辨唐史召王珪章挺於雋本蜀地綱鑑

補注誤爲雋州康熙庚戌續志辨引以爲據茲節
去不存此外如職官鄭迪誤載南唐任希夷誤載
陳仲微後崇觀魏濟誤載德祐時建置古蹟清遠
橫誤列明涼薰閣誤列唐壇廟伏波祠參以葛洪
杜李二侯祠改作周杜俱非今釐正之至於通志
所引方輿勝覽寰宇記元和志等書紀山川道里
多誤故不錄大抵通志字述舛訛處未能枚舉涉
崇土者當取邑志參訂之

一求詳 志有未可或簡者若疆域食貨禮樂職官
選舉諸志及建置志之學校義所人物志之忠義

卷首 七例

二

隱逸是也凡舊志所遺者補之異者詳之并新增
多至數倍或什倍或數十倍未遑援康海武功志
寥寥數行爲例時地使然耳其選舉志中顯宦姓
名行業已見史書及海內名公墓志雜記可核者
竟增長傳緣地以人重也至於明季殉難

國初守節諸君子先年未詳著事實尤爲憾事茲一

一補傳庶足慰九泉忠義之心

一歸簡 崇志之涉繁者綸音一卷爲最凡列宸翰

必特簡專勅授以重任其文有關時政可編入國
史新增重邑乘次則論祭文亦稱殊榮其餘封贈

諸勅全文虛簡冊過多舊志相沿已久未便竟
廢嗣後但錄各目非如汪太僕總理河道劉中丞
督軍淮陽所授之勅不復全載至於一切請文無
甚關係即工題亦不能多存汪尙書三疏其文甚
長難入本館當載南京倉儲漕運書於崇無涉以
相沿久仍之乾隆壬申志曹邑侯所著自爲一編
今刪去十之七八

一正體 志爲史類守土者上達

朝廷之書禮樂本

大清會典田賦準賦役全書尚已而職官人物藝文

卷首 七例

三

諸志尤當參之大史氏名宦鄉賢列傳一概書名
官紳見在者不立傳邑人見在者不編文皆體
裁應爾惟見存之者民節婦如舊志各書行畧蓋
顯微闡幽恐久而無徵故稍寬其例至於星野風
土入疆域物產倉儲入食貨因事比附各從其類
參諸他志不必盡同但求無乖體製若使綸音一
卷省入封蔭門建置壇廟省入禮樂志似於體製
尤合此袁貞志衡嶽所以有駢議也

一通俗 邑志本非便俗之書然有時重達眾論聊

復爾爾如選舉用表人物用傳品行勛業節義文

章人物多半自選舉中來或乃謂梓里先達月旦未便於是志選舉以傳附表後別以不與選舉者爲人物志合二爲一而採取論定尚有待於郡志通志茲固通俗之一端也他如神壇官地界至丈尺必書寺觀津梁捐募姓名必記勸忠義則略其生平表節壽則詳敘前後斯皆免俗未能惟第一卷八景之目裝門面無關形勝因分注各處不復標名以徇俗好

一示防 邑陂塘最多寺觀次之邱墓又次之三者皆志書所不能遺而最易啓爭端三者之中陂

崇陽縣志

卷首 凡例

四

塘爲要其次邱墓至於寺觀之爭殊屬無謂今新志所載大半由舊或有增注俱經紳耆集眾論商定然後筆之冊有圖爲爭訟章本者一概不登至於進之以崇民事之重退之以矯俗尙之非則亦有微意寓其中矣

一垂鑒 邑志稱美不稱惡職官人物傳則然若事關政俗變兆兵戎自當據事直書以昭筆伐其他鄉閭已事里巷相傳聳人聽聞生人悚懼者善固當揚惡亦不必隱所謂言之無罪聞之足戒也雜紀之有災祥廣撫以此也夫

志目甚繁逐一舉例更僕難終約以八則全書得失具見於茲昔者邵仲德補宋史之缺魏順甫爭楚志之長孔目來拾江陵之餘毛大可勘蕭山之謬矧茲龔鄒易見瑕疵凡百高明幸加裁正

崇陽縣志

卷首 凡例

五

崇陽縣志卷一 目錄

疆域志 首列全境山川名勝圖

沿革

星野

界至 道路附

鄉里 保甲附

形勝

山水

原隰

風土


崇陽縣志

卷一 疆域 目錄



崇陽縣志

卷一 疆域 全境圖






樂陽縣志

卷一 輿地 名勝圖

三



紫垣氏摹
傅禮卿鐫



樂陽縣志

卷一 輿地 名勝圖

四



紫垣氏摹

汪觀鵬鐫

桃源源圖




其錦

崇陽縣志

卷一 疆域名勝圖



龍泉山圖



其錦

崇陽縣志

卷一 疆域名勝圖

六

右崇陽全境圖用縱四分半橫六分方格為準每
格十里橫十二格準東西一百一十餘里縱十四
格準南北一百四十餘里縣治距東西南三界較
遠距北界近故位置偏北其城垣及各保山川略
倣其形勢圖之分寸俱未準格式其後分圖四山
東金城北壺頭西桃源南龍泉非但點綴名勝而
已思賢之旨設險之義望治之心澤物之情於是
乎寓不作圖觀可也

崇陽縣志卷一

大同坤軸細析井疆上揆翼軫趨稽漢唐山州赴

鄂風氣沿湘升之土訓稟我

王章志疆域

沿革

崇陽縣漢長沙國之下雋縣也秦分楚爲三郡長沙居其一漢高祖五年改郡爲國領縣十三下雋居其一長沙各郡始自秦下雋稱縣始自漢秦以前名稱未著廣袤無稽已漢下雋幅員數百里今巴陵臨湘蒲圻通城及嘉魚西南角皆所轄地縣

崇陽縣志

卷一 疆域 沿革

一

治在崇陽水經注可按也湖北通志專以通城爲下雋以崇陽爲沙羨地大謬下雋新莽時改閉雋東漢長沙復爲郡下雋仍舊稱三國下雋屬吳隸南郡考先主嘗與吳分荊州界湘水南郡屬蜀下雋應隸長沙又考關侯鎮荊州湖以東蜀先主者數年所隸殆無一定時吳析下雋地爲蒲圻人晉武昌右部疆域狹於漢時下雋仍隸長沙郡析置巴陵縣南宋元嘉十六年下雋改隸巴陵屬湘州時長沙稱湘州巴陵升郡郡統於州也南齊下雋隸巴陵郡舊志云改上雋縣未詳何年南梁大同五年置上雋郡析境爲樂

化縣與蒲圻沙陽並轄樂化卽今通城崇通之析

蓋肇於此承聖三年改雋州南陳仍之旋廢隋開

皇中興樂化縣先後併入蒲圻隸江夏郡唐天寶

二載置唐年縣仍併樂化地元和間陞縣西錫山

市爲通城鎮五代先屬吳改宗陽後屬南唐仍稱

唐年後梁逕改臨夏後晉逕改臨江宋開寶八年

始名崇陽屬湖北路通志謂吳改崇陽誤熙甯五

年析通城鎮爲通城縣紹興五年復併十七年復

析元屬武昌路明改路爲府屬武昌府

國朝因之武昌府十屬崇陽中縣簡缺道光二十二

崇陽縣志

卷一 疆域 沿革

二

年改題疲繁難要缺

下雋漢以前無考故志沿革自漢始舊志謂上古

三苗地禹貢荊州城春秋屬楚今試爲分疏亦畧

有異同焉按史記三苗之國左洞庭右彭蠡尚書

蔡傳三苗在江南荆揚間杜氏通典閻氏釋地以

江州鄂州岳州潭州衡州當之崇地初隸長沙卽

潭州繼隸巴陵卽岳州今隸江夏卽鄂州謂古三

苗地殆是也禹貢導山過九江至于敷淺原九江

卽今洞庭在長沙下雋西北敷淺原卽廬山俱見

蔡傳崇地當洞庭東其西南天岳山一名幕阜縣

互數百里東訖廬山崇居其左腋間則近揚州之南境爲荆揚域也楚都今荊州府地熊渠封子紅於鄂隔大江重湖林莽幽邃當爲蚡冒啟山所未能窮春秋楚并小國多俘諸江南如巴陵爲麋平江爲羅皆遷地又吳公子慶忌居艾卽今江西甯州崇地當鄂之南麋之東羅之東北艾之西北則地與吳鄰爲楚邊境也至於三苗地或又辯其非夫後之名區昔之荒壤五州皆然其又奚辯焉○前漢地理志注充縣澧水東至下雋入沅後漢馬援傳注下雋故城在辰州沅陵縣據二注所指之下雋皆今沅陵地故沅陵亦稱下雋然考後漢郡國志下雋屬長沙郡沅陵充俱屬武陵郡疆土蓋然非若巴臨蒲通與崇陽山川相接沅陵不爲下雋所轄明甚至謂下雋有二或由彼遷此或由此遷彼皆臆斷耳以史證史當由師古章懷二注之誤詳山志○三國吳先封周瑜偏將軍領南郡太守後封呂蒙尋陵侯下雋皆其奉邑明封楚王楨庶第五子孟熹崇陽王王未就國省垣崇府山卽王府也邑爲封地史書一二見亦數典所宜舉也附志之

星野 三垣列宿諸星附

崇於天文太倉一稊米耳顧星與土精氣相通凡在海宇徧覆無遺

皇朝建極授時綱維萬國最爾崇亦居衆星環拱之內次星野於沿革昭統也今按鴉尾楚也見周官鄭注南方朱鳥尾曰帑周楚之分見左傳杜注翼軫荊州見史記江夏入翼十二度長沙入軫十六度見晉書天文志舊志云邑分野從郡崇隸鄂固江夏地入翼度又云崇舊隸長沙應入軫度徐行星野圖說云楚爲鴉尾崇陽爲鴉尾之次可知是皆準古法也考辰次星度古今歲差不同謹遵

國朝

欽定明史天文志武昌府軫分

國朝歷法壽星起於翼終於軫崇地軫分次壽星

崇陽今隸江夏古隸長沙入翼入軫舊志已不一其說今江夏亦入軫度可不必更占翼星矣顧銅儀測驗占法日增星分其度度分其分天官家司之外人未易窺其奧而荊州星分翼軫其大畧人所習聞則二宿星數及附近二宿之星亦當詳志備典故非爲占候也按續文獻通考明史天文志

翼二十二星軫四星軫中長沙子一星軫旁左右
 轸各一星軫東南青邱子七星今止存三星其餘
 東甌五星在翼南軍門二星在青邱西土司空四
 星在軍門南甌府三十二星在軫南俱向有今無
 而考之步天歌武密書乾象新書言諸星屬翼屬
 軫或屬張各據所見不歸於一今諸星雖無而諸
 星在亦星度有盈縮之一證也王一甯江夏志
 謂翼不止二十二星軫不止四星將諸星俱混作
 翼軫則非是○步天歌云二十二星大難識舊志
 圖翼星與乾象不合今武昌既入軫度圖有翼無
 軫不備也甌府三十二星今皆不見舊志圖之贅
 也茲不復圖○又按鶉尾之次劉歆費直諸家及
 明大統歷皆起於張中於翼終於軫但微不同耳
 國朝歷法推算歲差最為精密鶉尾起於星終於翼
 壽星起於翼終於軫今壽星之次至為楚占固不
 待言而翼居鶉尾之終軫又為大火所起是楚分
 野在翼度者尚畱小半次鶉尾在軫度者更分小
 半次大火壽星未足盡楚占也

三垣列宿諸星

太乙第二星主荊州見統論北斗璇星其分為楚

見宋書天文志荊州麗北斗權星見史記荆屬衡
 星見廣雅吳楚之疆候在熒惑占於鳥衡見史記
 十二國凡十六星在牛女南魏西一星為楚見宋
 書天文志天市垣西藩第二星主楚之財帛見通
 志五車五星在畢東北次東南曰司空主鎮星主
 楚見隋書天文志三台六星上台下星主荆揚見
 宋書天文志

界至 道路附

崇陽縣在武昌府南居江西湖南湖北三省之交
 東西廣一百一十五里南北袤一百四十五里

崇陽縣志

東至通山縣界白羊山四十五里 東南至通山
 縣界塘及江西南昌府義甯州界三界尖俱八十
 里 南至義甯州界鋌子坵一百一十五里 西
 南至義甯州界槐頭砦通城縣界柘橋俱八十里
 西至通城縣界白馬廟七十里至湖南岳州府臨
 湘縣界鶉姑山八十里 西北至蒲圻縣界分水
 嶺五十里 北至蒲圻縣界壺頭山三十里 東
 北至咸寧縣界連河嶺即小嶺七十里
 邑惟西南界通城人村一帶沿雋水之旁無山為
 限限以橋北界蒲圻官程十里踰壺頭之外山不

為限限以鋪餘則四山環列凡水注崇陽河者皆崇地也故畛域分明莫如崇

道路

邑東門右踰下津渡左五浮溪橋 三新塘嶺

左五白霓橋 二光祿舖 五回頭嶺 十露口

雙路舖 右五白羊山嘴 八界塘入通山界

雙路舖左五驪泥嶺 十牛欄舖 十黑橋 十

三連河嶺入咸甯縣界古大路由此

新塘嶺右五油市嶺 五麗象巷 十高隄 十

二豪猪隴 北下沙坪 八湯家墩 左八北山

崇陽縣志 卷一 疆域 五 七

五里界塘 八入通山境

湯家墩右五橫嶺 五靈官殿 北金紫邊 十

二金塘坊 北青草原 北居北橋 八大原橋

五鎚子坵入義甯州境

下津渡右五石子嶺 五銅鐘坪 五伏嶺 五

中保舖一名伏嶺坑 五五仰山殿 二十金塘

達鎚子坵

邑西門緣河三白泉橋 北打石嶺 五烏龜石

五石城灣 五桂口司 左五沙坪 五樑林

五石嘴 二鐵柱港入通城境

沙坪上二左踰洪鐘渡 三黃臺嶺達江西路詳

後

西門右行五洋澌礮 五香山 十冷坵橋 十

桂花樹下 八黃土塆 北分水坵入蒲圻境

桂口西北行十虎八百 五魚象隄 五神口 五

光開其孫欽雲重修 五雙港 八伏嶺入蒲

圻境 桂口右上五上峯嶺 十東關 十水口舖入通

城境

西門左踰上津渡至五里牌 右三吳城渡 二

吳城舖 五洪家橋 五沙塘舖 五蔡家

墩 五石屋舖 二劉婆橋 八清水舖黃茆橋

一名黃馬 十進口舖 右五星橋舖 五白馬舖入

通城境

進口舖左五黃臺橋 二堰市 三入通城境

五里牌左五城嶺 五青山口 十樑山舖 十

思義坵 右五雙港 五高視 左二十小山界

入甯州境右踰雞鳴嶺入通城境

思義坵左五茅坵 五河坪 五坑口 五羊眼

灘 五石門 五金塘達鎚子坵

崇陽縣志 卷一 疆域 五 八